



Rujukan : UKM PNC/224/2  
Tarikh : 17 Disember 2018

**PEKELILING PRO NAIB CANSELOR (KAMPUS KUALA LUMPUR) BIL. 3/2018****DEKAN/PENGARAH/KETUA/PENGETUA  
FAKULTI/INSTITUT/HOSPITAL/JABATAN/KOLEJ  
KAMPUS KUALA LUMPUR**

YBhg. Prof./Datuk/Dato'/Tuan/Puan,

**KESELAMATAN DAN KESIHATAN PEKERJAAN ADALAH TANGGUNGJAWAB BERSAMA**

Dengan hormatnya izinkan saya merujuk perkara di atas.

2. Alhamdulillah, syukur ke hadrat Allah SWT kerana dengan limpah dan kurniaNya, pentadbiran Kampus Kuala Lumpur telah berjalan dengan baik dan melepas tempoh satu tahun pada 15 November 2018 yang lalu. Dalam tempoh ini pelbagai usaha telah dilaksanakan dan tidak kurang juga cabaran yang ditempuh bagi meningkatkan mutu penyampaian perkhidmatannya. Namun semua itu dapat disempurnakan dengan baik atas kerjasama yang diberikan oleh seluruh warga Kampus Kuala Lumpur.
3. Universiti Kebangsaan Malaysia (UKM) turut mengiktiraf pemakaian Akta Keselamatan dan Kesihatan Pekerjaan 1994 (AKKP 1994). Akta ini merupakan payung yang melindungi kakitangan di tempat kerja meliputi aspek keselamatan dan kesihatan. Majikan dan kakitangan mestilah mematuhi peruntukan, peraturan, tata amalan dan garis panduan yang relevan (atau sekurang-kurangnya melakukan yang setara baik) serta mengikuti amalan terbaik dan nasihat yang terdapat di dalam Akta ini. Ini adalah selari dengan prinsip Akta yang mana ia menjelaskan tanggungjawab bagi keselamatan dan kesihatan di tempat kerja terletak di atas orang yang mewujudkan risiko (majikan) dan mereka yang bekerja dengan risiko (pekerja).
4. Sehubungan itu, semua Ketua Pusat Tanggungjawab (PTj) hendaklah mengambil berat terhadap perkara yang boleh mendatangkan risiko dan hazad kepada semua kakitangan di bawah seliaan masing-masing. Selain daripada Hazad Kimia, Hazad Fizikal dan Hazad Biologi, Hazad Ergonomik dan Hazad Psikososial kakitangan juga harus dititik beratkan. Keselesaan dan ruang privasi kakitangan selepas waktu pejabat juga hendaklah dihormati (setakat yang praktik atau munasabah).



## Pejabat Pro Naib Canselor (Kampus Kuala Lumpur)

## Office of Pro Vice Chancellor (Kuala Lumpur Campus)


5. Di bawah penstrukturkan Kampus Kuala Lumpur, pihak pengurusan telah mewujudkan Bahagian Keselamatan, Kesihatan dan Persekutaran Pekerjaan yang bertanggung jawab untuk memastikan aspek keselamatan dan kesihatan pekerjaan di Kampus Kuala Lumpur dilaksanakan dengan tersusun dan teratur. Sehubungan itu, sekiranya PTj memerlukan sebarang khidmat nasihat dan bantuan boleh menghubungi Dr. Hanizah Mohd Yusoff, Ketua Bahagian **Keselamatan, Kesihatan dan Persekutaran Pekerjaan, Jabatan Pendaftar (Kampus Kuala Lumpur)** atau alamat email: [oshekkl@ppukm.ukm.edu.my](mailto:oshekkl@ppukm.ukm.edu.my)

6. Akhir kata, menjelang Tahun 2019 ini saya menyeru kepada semua pihak untuk sama-sama memberi perhatian terhadap aspek keselamatan dan kesihatan pekerjaan di bawah portfolio masing-masing. Pihak pengurusan menggalakkan sebarang usaha untuk menyediakan suatu persekitaran pekerjaan yang hijau, mesra alam sekitar serta memenuhi keperluan fisiologi dan psikologi pekerja. Semoga melalui keprihatinan ini warga Kampus Kuala Lumpur akan mempamerkan penyampaian perkhidmatan yang lebih cemerlang dalam suasana harmoni dan sihat sejahtera.

Kerjasama dan perhatian YBhg. Prof./Datuk/Dato'/Tuan/Puan dalam perkara ini adalah amat saya hargai. Sekian, terima kasih.

Selamat Menyambut Tahun Baharu 2019.

Yang benar,



**PROF. DATUK DR. A RAHMAN A JAMAL**  
Pro Naib Canselor  
Kampus Kuala Lumpur

- s.k. - Naib Canselor, UKM  
- Timbalan Naib Canselor (Hal-ehwal Akademik dan Antarabangsa)  
- Timbalan Naib Canselor (Hal-ehwal Penyelidikan dan Inovasi)  
- Timbalan Naib Canselor (Hal-ehwal Jaringan Industri dan Masyarakat)  
- Timbalan Naib Canselor (Hal-ehwal Pelajar dan Alumni)  
- Pengarah Eksekutif Pentadbiran  
- Pengarah Eksekutif Kewangan  
- Ketua Pustakawan  
- Penasihat Undang-undang  
- Pengarah, Pusat Pengurusan Risiko, Kelestarian dan Kesihatan Pekerjaan